

八

編

類

纂

八編類纂卷之二百三十五

邊類

古東夷考畧

歲

歲亦朝鮮之地南與辰韓北與高句麗沃沮接東窮大海西至樂浪自謂與高麗同種

馬韓

韓有三種一曰馬韓後漢時通焉二曰辰韓三曰弁辰馬韓在西有五十四國其地與樂浪南倭接辰韓

在東十有二國其北與濊貊接并辰在辰韓之內率
有二國其南亦與倭接凡七十八國百濟是其一焉
地各方四千餘里東西以海爲限皆古之辰國也馬
韓最大都目支國

夫餘

國在玄菟北千里南與高句驪東與挹婁西與鮮卑
接北有弱水地方貳千里本濊地也

挹婁

卽古肅慎氏國周時貢楛矢石柝魏常道鄉公時猶
貢其國在不咸山北夫餘東北千餘里瀕于大海南

與北沃沮接，不知其北所極，廣袤數千里。

女貞

蓋古肅慎氏，世居混同江之東，長白山鴨綠水之源，南鄰高麗，北接室韋，西界渤海，鐵甸，東瀕海，後漢謂之挹婁，元魏謂之勿吉，隋唐謂之靺鞨，姓挐氏，于夷狄中最微且賤，五代時始稱女貞，後更女直，遼阿保機吞北方三十六番，此其一也，厥後阿骨打代遼而帝，國號曰金，八世而亡。

經理朝鮮事宜

莫若干開城平壤二處，開府立鎮，練兵屯田，西接鴨

緣旅順之師、使有所望而歸依、東爲王京烏嶺之援、使有所恃而奮躍、勢便則遣輕兵而趨利、與倭決勝、勢不便則虎踞以壓其邪心、而禁其無橫逸、須得寔心練事才力、兼全者爲巡撫司道而專任之。

女直館

女直卽古肅慎氏、後漢名挹婁、元魏名勿吉、隋唐名靺鞨、五代時始稱女直、後遼契丹主宗真諱更名女直、宋自建隆以來嘗入貢中國、至天聖後始沒屬契丹、其酋長號完顏氏者、本新羅人、爲女直所推服、漸強大、數傳至阿骨打、遂滅契丹、國號金、後又爲元所

減設諸府路領混同江南北水達達及女直人今海
西熟女直卽其餘種也其地在混同江東東瀕海西
接兀良哈南偉朝鮮北至奴兒干中有長白山橫亘
千里高二百里巔上有潭周八十里南流爲鴨綠江
北流爲混同江混同江在開原城北千里五里又有
松花江在開原城東北千里黑龍江在開原城北二
千五百里與混同江皆南入松花江永樂九年春遣
將將水軍駕巨艦至江上召聚諸酋豪餌以官賞於
是東旺佟答刺哈王肇州鎮勝哥四酋率衆降始設
奴兒干都司以四酋爲都指揮賜勅印又置衛所三

百八十二官諸小酋爲指揮千百戶鎮撫又有地面
五十八站七寨一皆令三歲朝貢官賞羈縻之又置
馬市開原城通交易稍給鹽米布贍諸酋豪使保寨
不爲邊患各路有水陸城站自湯站東抵開原曰建
州毛鄰海西野人兀者皆有室廬建州毛鄰本渤海
氏遺孽喜耕種善緝紡飲食衣服頗有華風建州夷
最强左善治生其在開原北近松花江者曰山夷又
北抵黑龍江曰江夷卽生女直亦有室廬江夷爲强
海西有山夷卽熟女直完顏餘種亦務耕稼婦女喜
金珠倚山作寨亦名山寨夷數與生女直讐殺百十

戰不休，諸皆善射，馳獵好盜，其左右二衛最無賴。江夷以北有阿哈婁，得悍狡，自相雄長，大抵東北諸夷建州最要害，居中與諸夷勢聯絡，相犄角。五嶺喜昌石門險隘，人騎不得成列，虜人咽喉。永樂間，開原降虜楊水荅戶者，率數百騎奔建州，已而建州酋李滿住款塞求內附，駐牧蘇子河，日強盛。靖難未久，專事撫綏，諸夷漸爲邊患。一歲間，入寇者九十七，殺虜吏民十餘萬。正統末附也先入塞，侵遼東西，景泰中，諸酋多歿也先之亂，盡失勅賜，諸子孫不得請官以舍人入貢，實寡大減，以故怨忿思叛。成化二年，酋董山

遂糾聚入寇。三年武靖伯趙輔都督王瑛左都御史
李秉督軍率漢番京邊官軍討之。山降送京師放歸
廣寧。輔秉曰。山不可宥。請誅。山九月分。左軍出潭河
柴河。越后門上木河。至分水嶺。右軍由鴉鵲關。喜昌
口。過鳳凰城。黑松林。摩天嶺。至潞猪江中。軍自撫順
經薄刀山。鮎魚嶺。過五嶺。渡蘇子河。至虎城。期日會
兵進勦。朝鮮亦遣中樞府知事康純。魚有沼。南怡率
兵萬人。過其東。走我兵。搆賊巢。虜遁擒斬。俘獲虜。指
揮若女等千人。班師。指揮張額的里率妻子乞降。
朝廷憐而釋之。明年留韓斌爲副總兵防守。築撫順。

清河、豐陽諸堡未幾，諸夷憤欲報山、饒，相約入寇。十四年，入塞殺掠人畜無算。巡撫陳鉞掩降虜爲功，又附太監汪直，開邊隙，出塞撲殺諸夷，諸夷益憤，大入塞殺掠吏民。遣兵部侍郎馬文升及直撫剿，直幸用事，陰爲鉞地。要文升偕行，文升弗聽。直還，遂誣奏文升妄啓邊釁，竟謫戍重慶。已而直敗，文升得雪。正德八年，海西加哈義叛。嘉靖二十四年，巡撫於敖臧賞物，夷人大譁，殺掠大慘。二十七年，火虜通兀良哈諸女直入遼，東西大困。

總論

按古人謂女直不滿萬、滿萬不可當、以今日觀之、都司一衛二百八十四所二十、其人豈止萬哉、文皇神謀睿筭、悉分而散之、使之力足以自守、勢足以相扼、各授以官職而不相聯屬、各自朝貢而不相糾合、是以百年來無東北之患、其間惟建州兀者、毛隣三者、部落頗重、時或竊犯邊鄙、

日本國序

山城之南爲和泉、其南海畧泊舟者爲阿賣介、蝦儿爲至打阿波、爲于羅儿、爲天正者爲沙、又其南爲沙界之東南爲紀伊、東爲三河、出海界、永其島爲康大爲、紀伊之西爲倭勢、北爲三河、其畧爲科什磨、爲奴智

山城之西為卅渡左為攝津

其界為縣船谷為門家世奴疎為素理為男女

懷東南懸海為安功州

左之西為攝摩

其界為郡敗為合箇世為抗而為我這古為席

右為但馬石之西為因幡卅渡西為美作左為備

前其界為亢什席能為

左之西為備中

出缺其界為山子加為言

奴平賴為那什麼南為東島縣海三十里

右亦因幡右之西為伯耆

俱白

沙無界可泊其鎮為阿家設記為倭子介為他奴賀知其北為竹島懸海三十里

美作之西

為備後之北境

其界為一子談一知為于奴昇為知奴密知為拿敗為教東大

出雲

之南境

其界為番作為山子介為欽子溪為戶流為非難叻為失喇哈叻為也生忌為密和奴失

記其北為隱岐懸海三百五十里

備後之西為安藝

其界為翁家搭日見敗為法子

加一枝為富撒子為谷也為他加至喇其南為宮岳懸海三十里

出雲之西為后見

出銀與銅其舉為南高番馬為番馬搭為安藝后見

之西為山口國即古之周防州也橫直二百四十里

翁哥里為客大進里為東大為陀奴米為哈迷奴失

為夜市為高奴鳥刺北至山口之西為長門橫直皆

三島海面三百五十里

舉為花浦為董州為番記為倭關渡在為其西早關

委北至三島懸海三百五十里

失記抽分渡此而西為豐前橫五百里直四百里其

司授於此

大義坤為野漫茄為阿其南為豐後橫直皆六百里

世夜為幕治為一賣

倭凡奴法賣為領孤舟為由又其南為日向橫直皆

奴島刺為錄一基為島田基

十里其舉為豐前之西北為筑前橫六百五十里直

多故奴甫治

勢為加菩里為加打對馬為多賣里為一萬字為奴

打為世加為經字里為多羅為寄郡多為法哈哈哇奴

多之別名也其北離西南為筑後橫直皆二筑後

之南為大隅其南濱海之界為什麼鳥思迷今之人

日向薩摩等連大隅之西為薩摩橫直皆三百六十

里為起麻子記為羊埕高為康國什麼為罷里為掩馬

署豐後東南懸海為土佐為伊豫為阿波阿波相近

懸海為炎路土佐豐後之間為佐加關上佐至佐加

八十里佐加關至薩摩之北為肥後橫直皆五百里

六為阿麻國撒為昏陀為一因撒又其北為肥前橫

介為刺為開懷世利為曉加什又其北為肥前

皆五百里其界為欲來為言奴氣子為法司奴一計

為客舍其內沿湖泊有交易之處為倭骨知為一

至為法一溪為夜間迷為至迷子為迷古里為失撒為喻

擇骨拂為愛奴子是類

八御願集

卷三十五

七

哥呀為維麥哥為松本一
名馬子喇為法麻撒儿
十里西北至傳多
海面四百五十里
平戶之西為五島
五山懸海相錯
可泊乃日本西境之盡處也過此西行連五六日四
望無山直抵陳錢壁下此島與薩摩相去一千五百
里與肥前相去四百二十里與平戶相去二百五十
里五島至山口必由平戶經過其畧為乃路為倭齊
家為永庄奴審為通記為達
北為多藝為伊岐皆七
奴島喇為島苦為誦哈噠
十里至對馬島
橫三百里其南畧為哥為
海面五百里
為對馬島
其大審東乃為拂乃哥世
內北為堆沙儿為山谷為拂思乃其西北至高麗也
為知六磨為你他北為倭奴鳥對其西北至高麗也
必由對馬島開洋
各三畧開洋至高麗之則失多順
風一日約南至琉球也必由薩摩州開洋順風七日
五百里
其貢使之來必由山博多開洋歷五島而入中國因造

舟水手俱在博多故也貢船回則徑收長門山抽分

司官在焉故也若其入寇則隨風所之東北風猛則

由薩摩或由五島至大小琉球而視風之變遷北多

則犯廣東東則犯福建彭湖島分隸或之泉州等處或之梅花所長樂縣等處

若正東風猛則必由五島歷天堂官渡水而視風之

變遷東北多則至烏沙門分隸或過韭山海隅門而

犯温州或由舟山之南而犯定海經大備洋入金堂蛟門犯象

山奉化川東西嶺入湖頭渡犯昌國入石浦圍犯台州入松門諸港

正東風多則至李西魯壁下陳錢分隸或由洋山之

南而犯臨觀通漁山兩頭相三姑山入理浦則犯紹興之臨山三山過霍山洋五嶼烈表平

石則犯寧波過大小犯錢塘子門諸山則薄省城或出洋山

之北而犯青南過馬蹟潭而西犯大倉過馬蹟潭或過南沙

而入大江過馬而入睦角嘴涉谷積若在大洋而風

欵東南也則犯淮揚犯登萊過步州洋亂沙入鹽城

則犯揚州人楚若在五島開洋而南風方猛則趨遼

陽趨天津大抵倭船之來恒在清明之後前乎此風

候不常屆期方有東北風多日而不變也過五月風

自南來倭不利於行矣重陽後風亦有東北者過十

日風自西北來亦非倭所利矣故防春者以三四五

月為大汛九十月為小汛其停橈之處焚劫之權若

倭得而主之而其輓轎所向一視乎風寔有天意存乎其間倭不得而主之也向之入寇者薩摩肥後長門三州之人居多其次則大隅筑前筑後博多日向攝摩津州紀伊種島而豐前豐後和泉之人亦間有之乃固之商于薩摩而附行者也山口豐後出雲開三軍門如中國總督府之義各以大權相吞噬今惟豐後尚存亦不過蕪井肥前等六島而已肥前肥後筑前筑後豐前豐後山口出雲以貪滅亡自今大修祖宗舊制禁戢沿海接引之人擇守令阜民生儲糗糧練精銳寇來則殺之入貢則撫之通商則絕之如是而亂有不息者吾未

之信也

日本國圖

西至南福建界

八編類纂

卷三十三 地理


十一



南至大



北至月



環球圖

廣東

潮州

汕頭

廈門

漳州

泉州

福州

寧波

溫州

處州

台州

嘉興

杭州

紹興

金華

衢州

嚴州

處州

台州

嘉興

杭州

紹興

金華

衢州

嚴州

處州

台州

嘉興

杭州

紹興

金華

衢州

嚴州

處州

台州

嘉興

杭州

紹興

金華

衢州

嚴州

處州

台州

嘉興

杭州

紹興

金華

衢州

嚴州

處州

台州

嘉興

杭州

紹興

金華

衢州

嚴州

處州

台州

嘉興

杭州

紹興

金華

衢州

嚴州

處州

台州

嘉興

杭州

紹興

金華

衢州

嚴州

處州

台州

嘉興

杭州

紹興

金華

衢州

嚴州

處州

台州

嘉興

杭州

紹興

金華

衢州

嚴州

處州

台州

嘉興


杭州

紹興

金華

衢州

東 南 至 東 女 國 界



海寇情弊

按國初吳淵穎論倭書說盡事情乃引辛毗對魏文帝之言曰罷我互市任彼貿易中國免徼利之名外夷知效順之實計莫便于此惟其商道不通而利之所在人必趨之不免巧生計較商轉而爲寇商道旣通則寇復轉而爲商彼其旣犯國禁思圖苟安因啗引勢家同作勾當行之旣久不免惹起奸圖大生覬覦時則不因商賁不通而寔成寇心矣伏按國初禁海之例始因遣諭不來繼恨林賢巨燭之變欲與閉絕之故非以通商之不便耳惟其不通商而止通

貢所以正德年間各道爭貢以規利市在彼國則強請勸令倭王遂不能禁制在中國則有宗設宋素卿之禍而漳寧惡少則甘蹈負固而縱肆橫行

日本國考

日本

國朝洪武二年倭寇山東併海郡縣又寇淮安三年寇山東轉掠浙東福建沿海諸郡是年遣萊州府同知趙秩賜置善諭其王良懷言倭寇海上書至日知臣我奉衣來庭不臣則修兵自固先是勝國時曾遣使趙良弼襲擊日本遂絕不通中國比秩至疑爲良

日本國

考在同制館今移于此以便覽

日本歷魏晉隋唐皆來貢稍習夏音唐咸亨初惡倭名更號日本自以其國近日所出故名或曰日本故小國爲倭所併因昌其號焉宋雄熙後累來朝貢熙寧以後來者皆僧也元至元初遣使招諭不至因命使由高麗且介高麗王植致書諭意皆不報至十七年春二月顧毅國使杜世忠等世祖怒于是召范文虎議招募士卒伐之踰年遂率兵十萬以往至五龍山暴風破舟文虎等擇好舟乘走棄餘聚山下衆推張百戶爲主將伐木造舟會倭來戰盡殲焉逃歸者

繞三人終元之世使竟不至

以上俱寰宇一統等志及元史

本朝

洪武二年命臣趙秩往諭其國王良懷遣使臣僧祖朝貢自後數歲一來後屢入寇且與胡惟庸通謀惡之著爲訓絕不與通爰命信國公湯和經畧沿海自遼左至徐聞永樂以來嘗遣太監鄭和召諭諸夷日本首先納款乃給勘合百道許其通貢仍非時寇至十九年大寇遼東等處總兵官劉江盡殲之于望海場海氛始熄百八十年海上恬晏茲商造孽乘時跳梁大掠沿海內地自壬子至戊午幾至滔天幸而渠魁授首兇醜頓衰雖間成弗靖然要領絕矣

弼後將升之秩言 今天子用夏變夷非蒙古比且
曉以禍福王乃懼禮秩遣僧進方物隨秩奉表稱臣
人貢使未至又掠温州五年遣明州天寧僧祖闡南
京瓦棺寺僧無逸開諭之王遣使同二僧入貢是年
寇海鹽澈浦温州初令浙江福建造海舟防倭而倭
又寇海上諸郡六年以於顯爲總兵官出海巡倭寇
倭寇登萊七年寇膠州是年遣僧來貢無表文却之
其臣亦遣僧貢馬茶馬刀扇 上曰此私交也亦不
受令中書移文責王九年遣僧歸庭用等奉表貢馬
及方物謝罪賜王及使文綺有差已而 上覽表曰

良懷不誠詔責之十二年來貢無表文安置使人於
陝西番寺十三年遣使詔諭良懷遣僧如瑤貢馬令
禮部移書責王數掠我海上復却之諸僧皆安置川
陝番寺十四年遣僧入貢乞還安置諸僧使上曰
日本既謝罪還其使召至京宴賞遣歸十五年歸庭
用又來貢于是有林賢之獄曰故丞相胡惟庸通日
本蓋訓所謂日本雖朝實詐賄通奸臣胡惟庸謀
爲不軌故絕之也是時惟庸死且三年矣十六年寇
金鄉平陽十七年如瑤又來貢坐通惟庸發雲南守
禦是年遣信國公築登萊至浙沿海五十九城民丁

四調一爲戍兵二十二年置番界西防倭衛所是年
遣江夏侯周德興築福建海上十六城設衛所遂築
福建漳泉人爲戍兵二十六年寇金鄉二十七年二
月遣都督僉事劉德商嵩巡視兩浙防倭三月又刺
都督楊文舉又勅魏國公徐輝祖安陞侯吳傑練浙
江海上兵防守倭二十八年寇金州靖難後太監鄭
和等帥舟師三萬下西洋日本遣人來貢併擒犯邊
賊二十餘人卽付使人治之縛置甌中永樂二年使
還遣通政趙居任賜王冠服文綺金銀古器書畫又
給勘合百道令十年一貢每貢正副使等毋過二百

人若貢非期人船踰數夾帶刀鎗並以寇論居住還
不受王餽 上喜厚賜之尋命僉都御史俞士吉賜
王印誥冊封爲日本國王詔名其國之鎮山曰壽安
鎮國山 上爲文勒石久之嗣王道義卒子源道義
嗣蓋奸狡時掠我海上九年寇磐石十五年寇松門
金鄉平陽是年遣禮部員外卽呂淵諭王還所掠海
上人十六年遣使謝罪十七年倭賊數千分乘二十
舟進圍望海場遼東總兵劉榮率精兵設伏出奇斬
首七百四十二生捕八百五十七召榮至京封廣寧
伯自是不敢窺遼東二十年寇象山宣德元年遣人

來貢人船刀劍不奉我約束。上諭使臣卽後貢毋過三舟使人毋過三百刀劍毋過三十否則不受七年遣人來貢知約束受之八年源道義卒命太監雷春少卿潘賜等弔祭十年嗣王遣使貢謝倭自得勘合方物戎器滿載而來遇官兵矯云入貢貢卽不如期倖臣幸無事輒請俯順夷情主客者爲畫可條奏卽復許貢云不爲例嗣後再至亦復如之我無備卽肆出殺掠滿載而歸宣德末年海防益備賊不得間貢稍如約遂許夷至京師宴賞市易飽恣其欲已而備禦漸疎正統四年寇大嵩入挑渚于是朝廷下

詔備倭命重帥守要地增城堡謹斥候修戰艦合兵分番屯住海上寇盜消息七年來貢十一年復寇寧乍浦成化初忽至寧波知我有備矯稱進貢守臣爲請于朝且欲遣之至京楊文懿公守陳貽書張王客力言其不可許二十年遣周瑋等來貢弘治八年壽寧來貢正德六年宋素卿永壽來貢求祀孔子儀汪不訢鄞人朱澄告言素卿本臣從子叛從夷人守臣以聞主客以素卿正使釋之令諭王效順無侵邊八年僧桂梧等來貢嘉靖元年王源義植無道國人不服諸道爭貢大內藝興遣僧宗設細川高遣僧瑤

佐及素卿先後至寧波故事凡番貢至者閱貨筵席
並以先後爲序時瑞佐後至素卿奸狡饋市舶大監
以重寶先閱瑞佐貨宴又令坐宗設上宗設席間與
瑞佐忿爭與相讐殺大監又陰助佐授之兵器殺總
督僞倭都指揮劉錦大掠寧波有海鄉鎮素卿坐叛
論死宗設瑞佐皆釋還給事中夏言上言禍起于市
舶禮部遂請罷市舶自是番貨至不得市輒賒奸豪
家久之奸豪欺負日積番人坐索不得償遂出沒海
上爲盜諸負貨者利其速去以危言嚇官府出兵捕
之番人益怨恨大肆殺掠而中國又多爲之嚮導於

是工忤瘋徐必欺毛醺瘋之徒皆我華人稱王海島
攻城掠邑浙東大壤二十五年以朱統爲浙江巡撫
都御史兼領福興漳泉軍務統勇於任事上章暴二
三勢豪通番狀竟爲勢豪阻誣被劾志憤卒其所任
福建副使柯喬都指揮盧鏜殺賊有功皆論死繫獄
于是羣盜肆起益無忌憚二十一年殘黃岩掠定海
遣都御史王忬巡視兩浙兼領福興漳泉四郡以都
指揮俞大猷湯克寬爲叅將剿賊時兵政久弛所在
無備忬經畧未幾群盜總至勢益猖獗三十二年大
猷出洋焚賊巢群賊乘風奔突倏忽千里徧畧溫台

寧紹杭嘉蘇松淮揚十郡破昌國臨山鄞衢乍浦清
村南匯吳松江諸衛三十三年遂祀江北海門如皋
通州皆被殺掠是時復用盧鏗爲叅將而以俞大猷
爲浙直總兵未幾工部侍郎趙文華以海賊猖獗請
請海道遂遣文華行禱公私勞費皆歸囊橐比忬改
大同巡撫徐州兵備李天寵代忬南兵部尚書張經
提督浙閩江南北軍務王江涇之捷文華又出監督
監軍素忌經天寵逮詔獄論歿西市而以浙江巡按
胡宗憲代天寵南戶部侍郎楊宜代經自後賊益熾
出入二十六郡宗憲計擒賊首王直浙東溫台江北

淮揚尤被其毒時李遂巡撫淮揚以智畧誘至廟灣縱兵殲之四十年賊破興化政和壽寧平海銅山寧德等郡縣巡撫譚綸總兵戚繼光募浙兵剿平自是始更置政府絃轍一新

計處倭酋

平秀吉一狡詐殘暴之夫耳本以人奴篡竊至此彼國諸酋欲修秀吉之爲而思攘奪之者甚衆陰謀伐國構怨亦深如結匪摩州將幸侃逼令州官義久殺其弟中書以自明我久不得已而佯爲降順其心未嘗一日忘秀吉也寄豐後州官之妻爲妾民間妄女

充塞卧內、諸州質子、禁若囹圄、日本原無征科之擾、而今令各州達道輸糧、原無興大兵動大衆之舉、而今則徵發驕然、故出則蒙面、臥則移徙、彼亦自知其不免于禍、日本有山城君在、雖其懦弱、名分猶存、一旦以天朝封號加之、僭逆之犬、且將置山城君于何地、秀吉無故興兵、聲言內犯、陷我屬國、碧蹄戰後、暫退釜山、尚未離朝鮮境上、而我以細人之謀、聽其往來、講封講貢、若謂朝廷許我封貢、則退、不許我封貢、則進、要耶、非耶、近朝鮮國王李昖奏稱倭賊方于金海、釜山等處築城造屋、運置糧器、焚燒攻掠、至

稱屠戮留州死者六萬餘人，尚可謂之退兵乞和耶。夫乞封固非秀吉本謀，然藉此名號以誓服諸夷，行長小西飛諸酋懾于平壤王京之戰，既未能長驅直入，而入朝鮮者又歟亡數多，恐無弊于秀吉喪師之戮，亦姑假封貢之說以詒秀吉，而緩其怒，是以沈惟敬輩僥倖苟且之謀得行乎其間。若我經畧總督諸臣，不過因惟敬輩而過信行長諸酋，又因行長諸酋而錯視平秀吉，不知秀吉變詐反覆，必不可信義處者也。

琉球國圖

東

東其至日本
國水程

熱帶山

灰井山

移川山

神黃山

大界山

凡諸山狀會門五里

八福相察

八福相察





琉球事實

琉球國在福建漳州東福州東北大海中漢魏以來不通中國隋大業中令羽騎尉朱寬訪求異俗始至其國語言不通掠一人以返遣武賁中即將率兵再往虜其男女五百人還唐宋時未嘗朝貢元遣使招諭之不至國朝首先歸附率子弟來朝太祖嘉其忠順賜符印章服及閩人之善操舟者三十六姓又許其遣子及陪臣之子來學于國學分其國爲三日中山王日山南王日山北王皆遣使朝貢永樂來其國王嗣立受冊封自後惟中山王朝貢不絕其山

南山北二王俱爲所併云。隋兵劫之而不服。元使招之而不從。我大祖之有天下也不加兵。不遣使。首效歸順。其忠順之心無異越裳氏矣。風俗男子不髡。亦不羽冠。但結髻于首之右。凡有職者簪一金簪。漢人有之髻。則結於髮之中。俱以色布纏其首。黃者貴。紅者次之。青綠者又次之。餘斯下矣。王首亦纏綿帕。衣則大神寬博。製如道服。然腰束大帶。亦各有首。纏布之色辨貴賤也。足則無貴賤。皆布草履。入壁宇則脫之。一則席地而坐。恐塵污。一則以跣足爲敬。故王見神。臣見王。及賓主相見。皆若是也。惟接見平等則

加冠具服屣揖避之間每見其疾首威額弗勝其束縛之勞矣其君臣之分雖非華夷之嚴而上下之節亦有等級王之下則王親尊而不與政也次法司官次察度官司刑名也次那壩港司錢穀也次耳目之官司訪問也此皆上官而爲武職者也若大夫長史通事等官則專司朝貢之事設有定員兼文武者也王日視朝自朝至于日中凡三次陪臣見之則搓手膜拜尊者親者延至殿內賜坐賜酒其卑而疎者則移時長跪于階下焉凡遇元且聖節長至日率衆官具冠服設龍亭行拜祝禮蓋久漸文敘非

復襲者之陋矣。父之于子少雖同寢及長而有室則異居食亦用匙箸得異味先進尊者及子爲親喪數月不食肉亦其休之可嘉。或者以中元前後用溪水浴其厥去腐肉收其骸骨以布帛纏之裹以葦草襯土而殯上不起墳若王及陪臣之家則以骸匣藏于山穴中仍以木板爲小牖戶歲時祭掃則辟鑰視之蓋恐其木朽而骨暴露也。地無貨殖是以商賈不通若以爲防剽掠則其國小法嚴凡有竊物者卽加以剕刑之刑朝貢往來俱乘大船海邊魚鹽亦泛小艇未嘗不駕舟楫而縛木爲筏也。俗鬼神皆以婦人

爲凡凡經二夫者則不之凡矣王府有事則哨聚而
來主及世子陪臣皆頓首百拜所以然者以國人凡
欲謀不善神卽夜以告王就擒之聞昔倭寇有欲謀
害中山王者神卽禁銅其舟易水爲鹽易米爲沙尋
就戮矣惟其守護斯土是以國王敬之國人畏之也
王之宮室建于山巔國門扁曰歡會府門扁曰漏刻
殿門扁曰奉祇四圍皆石壁至於賦歛則寓古人井
田遺法且以名義未詳備其臣民亦各分土以爲祿
食上下不交征有事如封王所用布帛粟米力役之
征則暫取之民而不常也雖無經生亦曉漢字奉正朔

古南夷考畧

板循蠻

秦昭襄王時有一白虎于巴蜀漢之境傷害千餘人昭王乃募有能殺虎者賞邑萬家時有巴郡閬中夷廖仲等射殺白虎昭王以其夷人不欲加封乃刻石盟要復夷人頃田不租十妻不筭傷人者論殺人得以賒錢贖死夷人安之

牂牁

渠帥姓謝氏昆明蠻一曰昆彌以西洱河爲境卽葉榆河也距京師九千里昆明九百里卽國其後又

封別帥爲滇王皆牂牁蠻也東距辰州二千四百里其南千五百里卽交州

獠

蠻之別種往代初出自梁益之間自漢中達于邛笮州川谷之間所在皆有依山林而居無酋長版籍蠻之荒忽無常者也舊傳獠有飛頭蠻齒鼻飲白衫花面赤袒之屬二十一種今右江西南一帶其多殆百餘種常侵暴梁益矜人生幽崖與谷中狃人生囁嚅中獠人五嶺以南皆有之

滇

漢時在夜郎之西，靡莫之屬，滇最大，始楚項襄王使將軍莊蹻將兵循江上略巴黔，以西蹻至滇池，方三百里，旁平地肥饒數千里，以兵威定屬楚，欲歸報會，秦擊楚，巴黔中郡道塞不通，因而以其衆王滇，變服從其俗，以長之。滇，卽漢益州郡也。蜀改易州郡爲建寧，分建寧永昌爲雲南郡，又分建寧非南爲永昌郡，卽今之雲南地也。

印都

漢時自滇以北，君長十數，印都最大，其外西曰桐師，以東北至葉榆，名爲檣，昆明地方數千里，武帝開爲印都縣。

侏都

漢時自越雋以東北君長以十數徙侏都最大武帝開以爲侏都縣

丹驪

漢時自侏以北君長十數丹驪最大卽漢汝山郡之地

南詔

或曰鶴柘曰龍尾曰苴咩曰陽劍本哀牢夷後烏蠻別種夷語王爲詔其先渠帥有六詔號六詔曰蒙巂詔越析詔浪等詔遐朕詔施浪詔蒙舍詔兵埒不能

相君長蜀諸葛亮討定之蒙古詔在諸部南故曰南詔居永昌姚州之間鐵橋之東南距甕東南屬交趾西摩伽佗西北與吐蕃接南女王西南驃北抵益州東北際黔巫王都羊苴咩別都曰善闡府大理卽南詔國也本唐小夷邕州有江水與大理大槃水通自邕州道諸蠻獠至大理不過四五十里

西原蠻

居廣容之南邕桂之西有甯氏者相承爲豪又有黃氏居黃桷洞其隸也其地西接南詔宋時儂氏世爲廣源州首領州在邕州西南鬱江之源地峭絕深阻

故儂智高資以暴橫

兩巖蠻

白曲州靖州西南昆州曲輓晉寧喻獻安寧距龍和
城通謂之西巖白蠻自彌鹿永麻二川南至步謂之
東巖烏蠻晉時據南寧郡其地延袤二千餘里唐置
清蛉弄棟爲縣

印今曲靖
軍民府地

尾濮

漢魏以後在興古郡

印雲南
郡地

西南千五百徼外其人

有尾長三四寸按木濮印尾濮也

交趾

印後南

本漢初南越之地接漢九真日南諸郡及唐驩愛等
州東南薄海接占城東海路通欽廉西出諸蠻西北
通邕州在邕州東南隅去左江太平寨最近自寨正
南行至枕榔花步渡富良白藤兩江四程可至又自
寨東南行過丹特羅小江自諒州入六程可至自右
江溫潤寨則最遠由欽州渡海一日至歷代爲郡縣
宋朝遂在化外丁氏黎氏李氏擅其地

黎洞

唐故瓊管之地在大海南距雷州泛海一日而至其
地有黎母山黎人居焉儋崖萬安皆與黎爲境其服

屬州者爲熟黎其居山峒無征徃者爲生黎蠻人僭
崖海上水居蠻也

林邑國

秦象郡林邑縣地漢爲象林縣屬日南郡古越裳之
界也馬援所植兩銅柱表漢界處也

暹羅國

暹羅國本暹與羅斛二國暹國土瘠不宜耕種羅斛
土衍腴多獲暹人歲仰給焉元元貞初暹人常遣使
入貢至正暹降于羅斛令爲一國本朝洪武初遣
大理少卿聞良輔往諭之暹羅斛國王叅列昭昆牙

遣使柰思俚儋刺識悉替奉金葉表朝貢還賜大統
曆七年遣使沙里拔來朝自言本國今陪臣柰思俚
儋刺識悉替入貢去年八月舟次烏漭遇風舟壞漂
至海南收獲漂餘貢物上因無表狀可據疑爲奸
商詭言却之後其子叅列寶昆牙立九年遣子昭祿
群膺奉金葉表貢象及諸方物上命禮部員外郎
王恒中書省宣使蔡時敏往賜詔及暹羅國主之
印十六年給勘合文冊令如期貢二十年又貢胡椒
蘇木二十八年詔遣中使趙達宋福等祭其故王
叅列昭昆牙賜嗣王昭祿羣膺勅諭永樂元年遣

使入賀、始稱暹羅國。二年遣使昆文現表貢方物。四年復貢方物、且乞量衡爲式。詔賜古今烈女傳、給與量衡。七年王遣使奉儀物祭。仁孝皇后命中官以告几筵。是歲復遣坤文現貢方物。先是南海民何八觀等流移海島、遂入暹羅。至是因其使歸、傳諭國王遣八觀等還。母納流移以取罪戾。八年貢馬及方物、送中國流移人還。賜勅勞之。十年復貢。十三年昭祿群鷹卒、其子三賴波磨札刺的嗣位、以兵侵滿刺加國。滿刺加訴于朝。勅諭暹羅國王、令與滿刺加平。十五年來貢。十八年又貢。遣中官楊敏等護貢。

使歸國仍厚賚其王十九年王遣使柰懷等六十人入貢謝侵滿刺加國之罪賜紗幣有差二十一年又貢賜使臣及通事總管番伴有差洪熙宣德間至如常期正統景泰間貢或不常賜仍舊例成化十三年遣使群謝提素英必美亞二人來貢方物美亞本福建汀州士人謝文彬也昔因販鹽下海爲風飄入暹羅遂仕其國嘗至南京其從子瑁偶遇識之爲織殊色錦綺貿易番貨事覺下吏始吐寔焉十七年遣行人姚隆往冊封其王弘治中遣給事中林恒復往行冊封禮正德十年遣使貢方物進金葉表嘉靖元年

暹羅及占城等夷各載番貨至廣東未行報稅上
乃命贓物照舊入官三十二年國王遣使坤隨離等
貢白象及方物三十七年又貢方物比舊稍不同萬
曆三年九月暹羅王招華宋頃遣使握坤哪采恩灣
等奉金葉表貢方物六年十月該內閣大學士張
等題據提督少卿蕭廩呈請于本館添設暹羅一館
考選世業子弟馬應坤等十名送館教習其國東連
大泥南臨東牛西接蘭場北界大海由廣東香山縣
登舟順風計約四十日可至其國彼國來貢必用五
六月南風還則用十一二月北風過此不敢行矣

瓜哇

錄同同館

瓜哇古閩婆國又名莆家龍漢晉以前未聞唐爲河
陵宋爲閩婆元稱瓜哇其國分東西二王所屬有蘇
吉丹打板打網底勿諸國洪武三年王昔里入達刺
遣八的占必奉金葉表貢方物及黑奴三百人納元
所授宣勅已而我使至三佛齊瓜哇要而殺之十三
年王八達那巴那務遣阿烈斐烈時奉金葉表朝貢
上遣其使還詔諭責王遂絕其使永樂三年其國東
王遣使朝貢請印與之五年西王都馬板與東王戰
滅東王時我舟過東王城西王殺我百七十人西王

懼遣亞烈加恩謝罪、詔勅詰責西王、令償欠者黃金六萬兩、已而遣人貢萬兩、禮官請索如數、上曰、朕利金耶、令遠人知畏耳、獨其金賜鈔幣、論之十六年、西王楊惟西涉遣人獻白鸚鵡、正統八年、令三年一貢、

真臘

司回館

真臘本扶南屬國、一名占臘、在東海中、漢武帝時、獻萬蚡夜光珠、久未通、至隋始通中國、唐神龍中、併扶南而國分爲二、其南近海多陂澤爲水、真臘北多山阜爲陸、真臘後復合爲一、宋宣和初、封爲真臘國王、

慶元中破占城立其國人爲占城王占城遂爲屬國
又有參卑真里登流眉蒲甘等國皆屬真臘聚落頗
衆地亦廣洪武六年國王忽兒那遣柰亦告即表獻
方物賜大統曆文綺二十年正黎列保昆邪甘苦者
遣使貢象及方物景泰二年貢賜王及妃文綺朝貢
至今不絕其俗尚華侈東向爲上右手爲潔

滿刺加

蘇門答剌

滿刺加永樂三年王西和入見速刺遣使奉金葉表
萌貢言願內附爲屬郡效職貢七年太監鄭和充冊
封使賜印誥錦綺封爲滿刺加國王九年嗣王拜里

進蘇刺率其犯及子五百四十人來朝 上御奉天
門宴王賜王帶羽儀鞍馬金銀錢鈔錦綺王妃冠服
子姪僬從賞各有差十年遣使送還國十二年王母
來朝貢厚賜之二十二年宣德九年王復來朝貢賜
亦厚天順三年王無答佛哪沙卒子舟茫速沙請封
遣使冊立爲王成化末給事中林榮行人黃乾亨奉
使溺海歿子入監讀書

占城

隸回回節

占城古越裳秦林邑漢象林漢末區連殺縣令自稱
林邑王遂不入版圖唐元和初改號占城宋淳熙中

裴破真臘慶元真臘復讐殍役幾盡更立真臘人爲
 主洪武二年遣吳用顏宗魯楊載等使占城爪哇日
 本等國賜玉璽書是年遣使蒲旦麻都朝貢言安南
 侵境上遣使諭安南罷兵是年國阿答阿者遣虎
 都蠻來朝貢虎象遣中書省管勾甘桓會同館副使
 路貢賢封阿答阿者爲占城國王賜大統曆金絲四
 年阿答阿者遣答班爪上農奉金葉表朝貢言安南
 數侵境乞賜兵器樂人俾安南知我乃聲教所被輸
 貢之地不敢輒欺負上憐之命中書省咨王言交
 鄰有道事止以誠占城安南旣皆臣事朝廷豈可

積兵相毒卽吞安南令其罷兵兵器不爾吝但以安
南故賜爾是助爾構兵也樂器有聲律華夷方言本
異中國人不可遣遣爾國人能習華音者來習四十
六年遣子來賀 聖節賜勘合文冊二十四年使至
以臣弒君故絕之永樂四年 勅王占把的刺得黎
賦父子及其黨惡卽械送京尚書陳洽在南交軍中
馳奏占城國王占把的賴奉 命出兵討安南陰懷
二心罪下季獷一等耳請發兵討之 上以交趾初
平不欲窮兵遠夷遣使諭王歸我侵地永樂後遣人
朝貢令三年一貢正統六年國人請封其嗣王遣使

冊封成化中遣使冊封正使卒海上副使論果成遣

三佛齊

光武遣馬援擊交趾最爲有功然三年而後士卒以
者十五六乃得一女子之首其難也如是

八編類纂卷之二百三十六

圖書編

邊類

安南入路

入交道三、一由廣西、一由廣東、一由雲南、由廣東則用水軍、伏波以來皆行之、廣西道宋行之、雲南道元及我朝始開、廣西道亦分爲三、

安南事實

安南本古南交地、秦象郡、漢交趾、九真、日南三郡治、嬴婁吳改九德、武平、新昌、宋改宋平、徙龍編、梁、安南

鎮南都護五代之亂推丁部爲帥宋封其子璉交趾郡王後黎桓李公蘊陳日照相繼篡立又五世爲黎季犛所篡永樂四年遣兵平之建交趾布政司領府十七州五屬州四十一縣一百五十七宣德二年黎利復叛遣兵討之利懼奉表乞立陳氏後朝廷許之因罷郡縣已而利篡陳自立嘉靖六年其叅督莫登庸乘黎之亂弑黎廳自立僭國號曰大越改元明德子方瀛嗣改元大正且侵內地十八年遣兵討之登庸表降請罪願歸侵地於是朝廷赦登庸罪署子方瀛安南都統使遂罷兵然其專擅自若也

安南總論

按交趾本秦漢以來中國郡縣之地五代時爲劉隱所併至末初始封爲郡王然猶授中國官爵勳階未始以國稱也其後封南平王奏章文移猶稱安南道孝宗時始封以王稱國而天下因以高麗真獵視之不復知其爲中國之郡縣矣李氏傳八世陳氏傳十二世至日焜爲黎季犛所篡季犛上表竄姓名爲胡一元子蒼易名奩詐稱陳氏絕嗣奩爲甥爲權署國事我太宗從其請逾年陳氏孫名添平者始遁至京剋其實季犛乃表請迎添平以還國朝廷不逆

遣使送添平歸抵其境季羆伏兵殺之并及使諸事
聞太宗命張輔總兵討之生擒季羆詔求陳氏遺
裔立之國人咸稱羆殺之盡無可繼者承僉請復古
郡遂立交趾都布按三司及各府州縣衛所諸司一
如內地其後有裨利者乃夷中之夷也中官庇之遂
至猖肆上表請立陳氏後宣宗皇帝謂此皇祖
意也祖訓不許後人代其國遂聽之卽棄其地俾復其國嗚呼
自秦并百郡交趾之地秦爲象郡已與南海廣東桂林廣西
同入中國漢武立額南九郡而九真日南交趾與焉
在唐中葉江南之人仕中國顯者猶少而愛州人姜

公輔已仕中朝爲學士宰相與中州之人相頡頏矣
奈何世立五代爲土豪所據宋興不能討之遂使茲
地淪於夷狄之域而爲侏儻藍縷之俗一何不幸哉

安南總論

嘉靖間登庸歸順蓋知中國厭兵一謝外貢使不復
至爲常其國自如也久之登庸與子方瀛相繼歿孫
福海嗣位又歿子幼方六歲大臣阮敬等專權國復
亂矣

安南總論

章皇帝不忍黔元之塗炭捐其故宇以安反側惜乎

當其時無有倡棄絕之義以少示貶謫而仍以王爵受其貢獻頃者黎氏失國而莫氏代之在黎氏必淫慝敗度故衆叛親離在莫氏必陰施市恩故能潛移默奪不然豈以一國之主累世之威忽然異姓而更無偏義於其間者哉桓叔之入晉也晉人啟之也于是乎有椒聊之詠田恒之代齊也齊人附之也于是乎有采芑之歌莫氏之于安南亦由是也其得民深矣其自衛固矣征之則失春秋詳內畧外之體因而與之又非天王正名定分之心

姚弋仲

南安赤亭羌人世爲差酋其饒富雄于洮岷之間後至長襲弒符堅僭帝國號秦傳三十二年而亡

湟中月氏胡

其先大月氏之別也在張掖酒泉地及漢取河西開湟中于是月氏來降與漢人錯居

氏

西戎之別種在冉駝東北廣漠之西其種非一或號青氏或號白氏或稱訶氏此蓋中國人卽其服色而名之也後漢建安中氏酋楊勝始據仇池氏漸強盛符氏

八編卷之三
世爲西戎酋長又謂之蒲家後符洪自稱大單于子
健取長安稱帝國號秦傳生堅丕登五世而亡

吐谷渾

本遼東鮮卑也西晉時酋師徒河涉歸有三子長曰
吐谷渾少曰若洛廐代統部落別爲慕容氏渾廐長
初西附陰山後度隴西止于枹罕而子孫據有甘松
之南洮水之西南極于白蘭在交州西北其青海周
迴千餘里自永嘉時有國至龍朔三年吐蕃取其地
而封嗣絕

宕昌羌

後魏時興焉亦三苗之胤與先零燒當罕开諸部姓
別自立酋帥皆有地分不相統攝宕昌其一也其界
自仇池以西東西千里席水以南南北八百里至周
武帝時以其地爲宕州

党項羗

三苗之後在古析支之地漢西羗之別種其地東接
臨洮西平隣西距葉護南北數千里

吐蕃

在吐谷渾西南唐時最爲強國與唐約盟境上吐蕃
守鎮蘭渭原會西臨洮東成州抵劍南西磨砦諸蠻

大渡水之西南盡大河北百新泉軍抵大磧南極賀
蘭索驪嶺其間爲閒田在宋時喃氏爲最強幅輳萬
里其地東與松茂雋接

西夏本姓拓跋氏唐末拓跋思恭鎮夏州統銀夏綏
宥靜五州地討黃巢有功賜姓李四傳至繼捧率族
人歸宋賜姓趙氏更名保忠繼遷其族弟也據有夏
州及子德明孫元昊悉有夏銀宥綏靜靈鹽會勝甘
涼瓜沙甘肅等州僭稱皇帝國號大夏世爲宋邊患
後爲元所滅夏之境土方二萬餘月河之內外州郡
凡二十有二

高昌館

高昌卽火州以其地勢高厥物產昌盛故名高昌又山如火天氣常熱故亦名火州乃西域諸國之一也本漢車師前後王地前王治交河城卽唐交河縣去長安八千里後王治務塗谷卽唐蒲類縣去長安九千里漢元帝時置戊巳校尉屯田于前王庭後魏時其地爲蠕蠕所併有闐伯周者始自稱高昌王唐太宗平高昌置西州及都督府後陷于吐蕃其地有回鶻雜居故又名回鶻宋時屢遣使入貢元號畏兀兒諫馬哈木入國朝號火州在嘉峪關外西行可一

月至火州城方十餘里其東七十里有柳陳城西百里有土魯番永樂七年土酋遣人朝貢十二年吏部員外郎陳誠至其國還言其國風俗蕭條市里民居僧堂過半亦皆零落東有荒城故址云古高昌國治漢西域長史戊巳校尉並居焉宣德五年火州王哈散土魯番萬戶賽因帖木兒柳陳城萬戶瓦赤刺俱遣人貢馬及玉璞正統間哈刺火州等處入貢成化間畏兀兒萬戶土勒克等入貢弘治間哈失哈兒地面阿把把吉兒等入貢正德間土魯番等指揮格格捏等入貢嘉靖以來高昌歸化寺等處普覺靜修國

師拜言李刺都督訢吉卜刺指揮等官馬哈木等入貢至今或三年五年來貢不絕

哈密

哈密本古伊吾廬地在燉煌北大磧外西北羌胡往來要路也漢明帝時收伊吾廬地以爲屯田班超及班勇平西域龜茲等十七國皆來服唐貞觀擒頡利遂裂其地以爲伊州爲唐之郡縣矣元封忽納失里爲威武王已而改封肅王卒弟安克帖木兒嗣國初置甘州五衛于張掖肅州衛于酒泉涼州衛于武威西寧衛于遼中又置山丹永昌鎮番莊浪四衛高

臺鎮夷古浪三千戶所自陝西蘭州渡河千五百里至肅州肅州西七千里爲嘉峪關永樂初設關外七衛曰哈密曰安定曰阿端曰赤斤蒙古曰曲先曰罕東曰罕東左七衛皆在嘉峪關西哈密又在六衛西東去肅州西去土魯番各千五百里北至瓦剌數百里永樂二年改封安克帖木兒爲忠順王以頭目馬哈麻火只等爲指揮等官分其衆居苦峪城三年忠順王卒兄子脫脫嗣立賜金印詔命玉帶文河四年賜王及其祖母綺幣有差六年脫脫暨祖母各遣使朝貢九年脫脫卒封力帖木兒爲忠義王守哈密卒

從父子字羅帖木兒嗣封忠順王賜印誥十二年行
在驗封員外郎陳誠使西域還言哈密城在平川可
三四里東北二門王稱速檀人僅數百戶顧非一種
多蒙古回回人習俗各異西域三十八國入貢經哈
密者相攔出入索道錢乃已洪熙元年貢硫黃正統
四年貢玉天順四年又貢成化元年令歲一貢貢不
過三百人至京不過三十人八年酋者林弒字羅帖
木兒無子王母弩溫答溫理國事九年土魯番速檀
阿力欲以哈密掠赤斤諸夷王母不從虜王母金印
去遣高陽伯李文通政劉文討阿力調罕東赤斤番

兵數千駐苦峪不敢進十四年阿力灰子阿黑麻稱
速檀未壯二十年守臣請乘間封罕慎嗣忠順王弘
治元年阿黑麻至哈密誘罕慎頂經結盟遂殺罕慎
遣使入貢謊言罕慎病歿國亂乞立爲王居哈密領
西域職貢兵部尚書馬文升以爲不可許且請諭今
阿黑麻還王母及金印併還我哈密四年遣哈密頭
目寫亦虎仙齋勅往諭阿黑麻以金印城池來歸遣
使朝貢厚賞之文升言哈密有回回畏兀兒哈刺灰
三種共居一城種類不一貴賤不相下必得元遺孽
嗣封庶可攝服諸番乃立張定王族孫陝巴爲忠順

王六年阿黑麻復入哈密虜陝巴及金印去遣兵部
侍郎張海行視經畧海至河西修嘉峪關捕哈密奸
回通阿黑麻者二十餘人戍廣西請絕西域貢時文
升亦請閉嘉峪關絕西域貢令諸夷歸怨阿黑麻乃
西域諸夷怨朝廷宴賞大減又阻其由海道貢獅
子反相率從阿黑麻阿黑麻遂復入哈密自稱可汗
大掠罕東諸夷已而阿黑麻西去令頭目牙蘭以二
百餘人據哈密乃用文升議效陳海故事遣副總兵
彭清統精兵三千由南山馳至罕東卽調罕東諸番
兵乘獲俟遣襲牙蘭牙蘭詢知遁去我兵入哈密得

陝巴妻女皆携歸住塞上師還亦多物故然西域自是知畏中國九年阿黑麻又襲破哈密十年秋阿黑麻令人送陝巴還哈密是冬起王越爲總制經畧土魯番哈密十一年越出河西取陝巴至甘州復封爲忠順王十二年春陝巴至肅州畏番虜不肯出關守臣遣兵防護至哈密是夏遣寫亦虎僊致賞賜于土魯番遂與土魯番諸夷使入京朝貢十三年阿黑麻及黑婁諸國皆令人朝貢十七年春陝巴嗜酒招徠國人頭目者力克哈等迎阿黑麻次子真帖木兒守哈密陝巴棄城走沙州真帖木兒罕慎外孫也守臣

令官舍董傑及奄克孛刺往哈密撫諭衆夷迎陝巴
還頭目阿孛刺不聽必欲立真帖木兒爲王奄克孛
刺與傑等擒殺阿孛刺等六人餘黨畏服守臣今都
指揮朱瑄率兵送陝巴入哈密撫蒞送真帖木兒還
土魯番真帖木兒不肯還徙居甘州正德九年陝巴
歿其子拜牙卽嗣封幼弱守臣恐真帖木兒還來侵
哈密晉不遣三年滿速兒稱速檀遣人朝貢乞還真
帖木兒七年冬令哈密三都督送真帖木兒西還八
月拜牙卽淫暴欲與奄克孛刺叛中國往土魯番奄
克孛刺不從自哈密奔肅州拜牙卽棄城走入土魯

番蒲刺兒令頭目火者他只丁與寫亦虎仙蒲刺哈
三人哈密取金印九年蒲刺兒率衆分據刺木等城
又日夜聚謀侵甘肅遣都御史彭澤總督軍務邊防
十年春澤至甘州火者他只丁牙木蘭侵赤斤王子
莊澤令通事與三都督送土魯番土魯番得實物以
金印與寫亦虎仙以哈密付蒲刺哈三是冬寫亦虎
仙等入京朝貢十一年蒲速兒令火者他只丁牙木
蘭復據哈密又至沙州入嘉峪關攻我肅州兵備副
使陳九疇發憤捶死諸奸回及通賊都督失拜烟答
馮城拒戰退賊又急調屬夷兵劫其老營遣人結瓦

沙州城沙州古燉煌地嘉峪關外諸衛二罕東最弱
成化後土魯番迭入哈密二罕東不能支分散各城
正德中陳九疇擊退土魯番沙州人稍行生聚耕牧
比牙木蘭再入沙州益殘破其酋土巴等叛附土魯
番嘉靖中城撫住白城山肅州月餉粟歲萬石邊儲
坐困

魯陳

魯陳一名柳城古柳中柳縣地我朝宣德五年魯陳
萬戶瓦赤刺遣人來貢其地去哈密千里中經大川
沙磧無水草馬牛過此輒死大風倏起人馬相失道

傍多骸骨有鬼魅行人失侶白日迷王夷謂之旱海
出川西行至流沙河河上有小岡云風捲浮沙所積
道北火焰山色赤如火城方二三里大抵皆胡服

亦力把力

亦力把力在沙漠間或曰焉噲或曰龜茲漢宣帝攻
龜茲元康初龜茲王絳賓同主女人朝東漢仍朝貢
晉武初遣子入侍唐太宗遣杜尔伐之破城執其王
後以其地爲龜茲都督府宋祥符以後入貢凡九元
時名失八里馬合木封於此洪武二十四年國王黑
的兒火者遣人貢馬永樂四年王沙迷查干遣人貢

王璞十年陳吏部使其國十六年頭目速哥克刺
滿刺來朝言歪思欲其從兄王納黑失只罕自立爲
王徙其國西去更別亦力把力正統二年王也先不
花遣人貢王璞駝馬景泰三年遣人朝貢天順以來
人貢不絕其國無城郭官室逐水草住牧夏秋暑煖
深山大峪六月飛雪

哈失哈力

哈失哈力宣德間遣十四人來朝貢或曰卽阿力馬
力

加異勒

加異勒西夷小種居人不及千家貧窶乏食常備糒
國永樂中王者麻里柰那遣使別里呆不貢方物宣
德間朝貢

黑葛達

黑葛達國小民貧平川曠野俗尚佛畏刑市多牛羊
交易用一錢宣德中國王遣十人來貢方物

敏真誠

敏真誠國以大多高山水流深縛木爲渡日中爲市
諸賈皆集永樂中國王遣四十人來朝貢

八荅黑商

八荅黑商永樂中遣四十人來朝貢方物其國山川
明秀人俗朴實奉佛有浮屠數區壯麗如王宮西洋
西域皆商販於此

火刺札

火刺札國徼人弱物產涼薄四圍皆山山鮮草木水
流曲折亦無魚鰕城僅里許皆土屋板屋王居亦陋
永樂十四年常遣人朝貢

哈烈

哈烈一名黑魯撒馬兒罕西南去嘉峪關萬三千里
漢大宛魏洛那隋蘇對沙那及石國皆其地自漢武

師屢征求汗血馬于大宛至隋唐朝貢不絕宋無聞焉元駙馬帖木兒之子沙哈魯居其地國人稱爲速魯桓猶華言君王也東有俺都淮八刺黑諸城皆隸焉洪武二十五年遣使詔諭酋長賜金綺永樂七年頭目麼賚等朝貢十二年遣行在吏部員外郎陳誠至其國正統二年指揮哈只等貢馬王石城方十里居平川川廣百里四面大山

八刺黑

八刺黑一名八黑在俺都淮東北城居平川周十餘里南近山無險扼地平廣食物豐饒西南諸番貢聚

焉永樂中哈烈沙哈魯又遣其子守之

白松虎兒

白松虎兒舊名速麻里兒國中無大山先時嘗有白虎出松林中遇獸不食遇人不傷旬月後竟不見國人稱爲神虎父老又曰此西方白虎降精以是更其國爲白松虎兒永樂中遣使十六人來貢

荅兒密

荅兒密永樂間遣使十八人來朝貢方物賜大統曆文綺藥茶

阿速

阿速在近海中爲大國多撒馬兒罕天方諸國人有
城倚山面川川南流入海海有魚鹽之市野有耕牧
之利敬佛鬼好布施惡爭鬪永樂中遣百十二人來
朝貢。

沙哈魯

沙哈魯永樂間遣七十七人來朝貢。

西洋刺泥國

永樂元年西洋刺泥國回回哈只馬哈沒奇等來朝
貢方物因附載胡椒與民互市有司請徵其稅上
曰商稅者國家以抑逐末之民豈以爲利今夷人慕

義遠來乃侵其利所得幾何而虧辱大體多矣不聽

哈密總論

哈密故唐伊州地東接甘肅西距土魯番爲西域諸國之咽喉而土魯番者疆番也成化中土魯番酋阿力以兵劫王母及金印歸自此經畧無寧日夫國家置哈密欲以爲外臣藩西隴耳卒之兵連禍結幾與相終始其害何如也

西洋諸國

古俚

古俚大國西洋諸番之會去中國十萬里西瀕海南

距柯枝自柯枝海行可三日至永樂元年王馬那必
加刺滿遣馬戍朝貢馬五年遣大監鄭和賜王誥幣
陞賞其將領有差王好浮屠敬象牛老不傳子傳外
孫否則傳弟無外孫弟傳善行人族類分五種如柯
枝王南毘人不食犬將領回回人不食猪俗尚信義
行者讓路道不拾遺海濱爲市通諸番刑無鞭笞輕
斷手足重罰金誅戮沒產夷其族有西洋布曰拑黎
本出鄰國坎夷

浣泥

浣泥本閩婆屬國在西南大海中統十四州宋太平

與國中始入貢元至元百方物我 朝洪武四年王
馬沙漠遣亦思麻逸進金表銀箋貢方物賜金綺永
樂三年遣使封其國王麻耶惹加那乃爲淖泥國王
賜印符誥幣六年王率其妃及子來朝遣使迎勞之
福建至南京王上金表獻珍物妃箋獻東宮 上宴
王奉天門是年王卒于會同館謚恭順塋石子岡樹
碑立祠有司春秋祀封其子遐駐嗣賜玉帶金銀綺
幣器皿使送歸國遐旺請封其國後山賜名長寧鎮
國土爲文刻石十二年洪熙元年皆來朝貢

白葛達

白葛達海中小國土瘠俗尚佛教宣德七年國王遣和者里失思等來朝貢

阿哇

阿哇永樂中王昌吉刺遣人來朝貢

鎖里

鎖里西海中小國物產甚微有撒哈刺諸異布洪武五年國王小納的遣馬牙茶嘉兒幹的亦刺冊八兒奉金字表朝貢圖上其土地山川賜大統曆金幣永樂元年復遣人朝貢

西洋鎖里

西洋鎖里近鎖里差大物產大類鎖里洪武三年使
來以金葉表文貢方物 上喜玉敬中國涉海道甚
遠賜甚厚永樂元年復遣人朝貢 上曰海外遠夷
附載番貨勿征二十一年西洋十六國遣使千二百
人貢方物

彭亨

彭亨東南海島中並山山旁多平原洪武十一年遣
使奉金葉表朝貢賜綵幣永樂十二年遣蘇麻固的
里來朝貢其俗上下親狎無寇盜

百花

百花在海中依山爲國國中有奇花嘉樹民俗饒富
尚釋教宋祥符中國主茶羅遣奉使侍郎婆里三文
等奉表來貢我朝洪武十一年國王刺丁刺者望
沙亦遣八智亞壇奉金葉表朝貢

阿魯

阿魯一名亞魯在西南海中土廣人稀物產亦薄永
樂五年國王速魯唐忽先遣蒲刺哈三附古俚諸國
來朝貢遣內臣至其國賜王文綺

小葛蘭

小葛蘭小國也東連大山西南北皆海永樂中太監

鄭和至其國王瑣里人遣人入貢拂菻在嘉峪關外
萬餘里卽漢大秦國也元封初大秦貢花蹄牛高六
尺晉大康唐貞觀開元宋元豐間來朝貢元時其國
人多來中國者洪武四年遣其國故民捏古倫賁詔
諭之尋遣人來朝貢其俗土屋無瓦貴臣如王服不
尙戰聞

古里班卒

古里班卒在海中永樂三年國王遣人馬的來朝貢
其俗土瘠穀少登氣候不齊憂多雨雨卽寒俗質樸
物產甚薄

呂宋

呂宋在海中其國甚小顧產黃金以故富厚人頗質樸不喜爭訟永樂三年國王隔察老來朝貢

合猶里

合猶里地小土瘠國中多山山外大海海饒魚蚬人亦知耕稼永樂三年國王遣回回道奴馬高來朝貢

磔里

磔里在東南海中大洲上洲一諸港通江人淳少訟尙佛物產甚薄永樂三年國王遣使馬黑木來朝貢

打回

打回海外小國數爲鄰國所苦已乃治兵器與鄰國
戰戰勝稍得自立永樂三年遣麻勿來朝貢

日羅夏治

日羅夏治海中小國無他奇產崇佛教永樂三年國
王遣文羅打時鎮來朝貢

忽魯母恩

忽魯母恩在東南海中或曰在西徼外國小土瘠物
產薄永樂三年國王遣已卽丁朝貢

甘巴里

甘巴里在南海中大島永樂十二年國王堯哇刺查

遣得名公葛葛來朝貢

麻林

麻林未詳其國所在永樂十三年王遣人獻麒麟上喜厚賜之

古麻刺

古麻刺在東南海中永樂時哇來賴本率其臣來朝至福州卒賜謚康靖勅塋閩縣有司歲時祭之其國有百餘州有城四重

沼納撲兒

沼納撲兒在印度之中古所謂佛國也永樂中遣使

詔諭國王一不剌金玉遣人來朝貢

討來思

討來思在海中周徑不百里城近山山下有水赤色
望之如火然古赤土國也隋大業三年通焉俗尚佛
婦人主家事宣德六年嘗遣人朝貢

吃力麻兒

吃力麻兒永樂中遣使十二人來朝貢方物惟獸皮
鳥羽罽褐之類其俗不事耕農喜射獵有達巷無市
肆交易無期用錢鉄

失刺思

失刺思永樂間遣人來朝貢時遣內官以綺幣磁器
市馬于遼西撒馬兒罕失刺思諸國獻陵卽位諸詔
使至十日內就所在還京毋得託故稽留宣德中遣
使八人來朝貢

納失者罕

納失者罕東去失刺思數日程皆舟行海中馬有數
種最小者高不過三尺俗敬事僧僧所至必飲食之
顧尙氣健鬪鬪不勝者衆共嘔之永樂中遣使十人
來朝貢

亦思把罕

亦思把罕於東南海中爲大國廣袤近千里四面皆
海西北多山東南皆平沙國有城堅壯王居亦侈麗
物產豐厚風俗朴尚佛畏刑好施惡奪亦有中國人
寄寓者時時出賈撒馬兒罕永樂時遣使四十四人
來朝貢

淡巴

淡巴在西南海中古狼牙脩國也梁時通焉我朝
洪武十年國王遣使來貢賜之金幣其國風景秀賔
土地廣衍泉甘而水清草木暢茂畜產甚夥城以石
築屋以瓦覆王乘輿官跨馬頗有威儀國人勤生

甘把里

甘把里永樂中遣六人來朝貢自言其國小介於西
南海中與諸鄰國不通交易人民艱窘然奉佛好善
不求積聚無乞丐者

崑崙山

其山節然瀛海之中與占城及東西竺鼎峙相望山
廣而方根盤曠遠海人名曰崑崙凡往西洋商販必
待順風七晝夜可過俗云上怕七洲下怕崑崙斜迷
舵失人舡莫存

交欄山

其山高而叢林藤竹柁桿桅檣蓬若無所不備胡元
之時令將高興史弼領兵萬衆駕巨舶征開婆國遣
風至交欄山其舡多損隨登此山造船百號復征開
婆得勝擒其酋長

沙哈魯

古投和國也唐貞觀時奉貢永樂間來貢者七十七
人其國民淳耻鬪

荅兒密

古丹眉流國也宋咸平初國主多須機以使九人來
貢我朝永樂遣使十八人來朝貢

九洲山

其山與滿刺如國接境產沉香黃熟香水木叢生枝葉茂翠永樂七年正使大監鄭和等官差兵入山採香得徑有八九尺長八九丈者六株香味清遠

蘇門答刺國

古名須文達那與花面國相接卽漢條支唐波斯大食皆其地也漢章帝時進異鳥唐貞觀貢水晶珠後爲大食王所侵永徽初大食王遣使朝貢終宋世朝貢不絕村落傍海田瘠少牧風俗頗淳民網魚爲生朝駕獨木剡舟張帆而出海暮則回舟永樂十二年

僞王蘇幹刺寇竊其國王遣使赴 闕陳訴請救、

上命正使大監鄭和等統率官兵勦捕生擒僞王歸
獻 闕下諸番震服

花面國

其處與蘇門答剌國接境卽那孤兒國也迤邐山地
田足稻禾氣候不常風俗淳厚強不奪弱上下自耕
而食富不倚驕貧不爲盜

龍涎嶼

獨然南立海中此嶼浮艷海面波擊雲騰每至春間
羣龍來集于上交戲而遣涎番人乃駕獨木舟登嶼

採取而設遇風波則人俱下海一手附舟傍而歸手
楫水而至岸其龍涎初若脂膠黑黃色頗有魚腥之
氣久則成大塊或大魚腹中剖出若斗大圓珠亦覺
魚腥間焚之發清香可愛貨于蘇門之市價亦匪輕
翠藍嶼

其山大小有七門中可過船傳聞釋迦佛經此山落
于水被竊其袈裟佛誓云後有穿衣者必爛其皮肉
由此男女削髮無衣僅有樹木紉結而遮前後

錫蘭山國

其國地廣人稠貨物各聚亞于瓜哇國其高山參天

山頂產青美盤石黃鴉鵲石青紅寶石每遇大雨衝
流山下沙中尋拾得者其海傍有珠簾沙常以網收
螺蚌傾入珠池內作爛陶珠海邊一石有足跡長三
尺許常有水不乾有舍利子在永樂七年上命太
監鄭和等齋捧詔勅及建石碑賞賜國王頭目其
王亞烈若茶魁負固不恭謀害舟師鄭和等使衆啣
枚疾走夜半奮勇殺入生擒其王至永樂九年歸獻
闕下尋蒙恩宥俾復歸國天順三年朝貢

小暕喃國

山連赤土地接下里日中爲市西洋諸國之馬頭也

永樂七年太監鄭和至其國本國流通使用金銀錢
名倘伽地瘠穀少

柯枝國

古槃槃國東連大山西南北皆大海宋梁隋遣使入
貢國初來貢永樂中請封其國太山從之

古里國

當巨海之要與僧家密邇亦西番諸洋之馬頭也山
廣田瘠麥穀頗足風俗尙厚行者讓路道不拾遺法
無刑杖惟以石灰畫地乃爲禁令其酋長富居深山
傍通爲市聚貨通商矯美可觀其有一種裸身之人

曰木瓜其國能畜好馬多自西番來

忽魯謨斯國

其國傍海而居聚民而市地無草木牛羊馬駝皆食海魚之乾風俗頗淳壘石爲城酋長深居練兵畜馬田瘠麥廣穀米少收民不富饒山連五色皆是鹽也鑿之鍤爲器皿盤碟之類食物就而不知鹽也推石爲屋有三五層者永樂三年國王遣馬刺足來朝貢

三島國

其地幽然山島花木常茂民倚邊而居田瘠少收網魚於海織布以葉俗朴質凡男子得附舶至中國罄

資歸荆稱爲能事、尊之有德、父兄皆讚焉、煮海爲鹽、釀蔗漿爲酒、

麻逸國

在交欄山之西山、勢峻地平、廣夾溪、聚居氣候稍熱、男女椎髻、田多膏腴、倍於他國、俗尚節義、夫喪則婦削髮碎面、絕食七日、與夫同寢、多有並逝者、七日不灰、則親戚勸以飲食、或得生、終身不嫁、或至焚夫屍、目赴火而死、蓋其節義不改、煮海鹽釀蔗漿爲酒、

蘇祿國

居東海之洋、石崎堡障、山塗田瘠、種稀薄、民下捕

魚鰕生啖螺蛤煮食俗尚鄙陋其國有三曰東王西王峒王永樂十六年其酋長挈妻携子涉海來朝進獻巨珠一顆重七兩伍錢今古莫能有也

大暎南國

洪武初國王遣使入貢地與都欄礁相近厥土黑壤亦宜穀麥民懶事耕作栽種烏爹之采供食

阿丹國

倚海而居壘石爲城砌羅股石爲屋三四層厨室皆在用穀麥風俗頗淳民下富饒永樂九年遣大監鄭和諭之命互市其王拜詔待使禮甚恭

南淳里國

其國邊海止千餘家皆回回人山產降真香名蓮化
降此處最佳國之西北海內有一大平頂峻山半日
可到名峒山山之西大海正是西洋也西來過洋舡
俱投此山爲准其山邊二丈上下海水內生海樹彼
人撈取爲寶物貨者卽珊瑚也其樹大者高三二尺
根大如大姆指

于闐

大國也去中國萬里張騫窮河源一出于闐是也光
武末爲莎車王所併後于闐將休莫霸者反莎車自

立爲王，復滅莎車，服從者十三國，與鄯善並焉。晉太康遣使貢玉印，北魏時朝獻不絕。梁武天監始通江左，隋時其王姓王氏，唐時其王姓尉遲氏，遣子弟入侍，從擊吐蕃有功，以其地爲毗沙都督府。至德初，進方圓二美玉，宋建隆其王天聖遣使貢圭，我朝永樂二年，頭目打魯哇亦不剌金遣使貢玉璞，十二年吏部陳誠至其國，桑麻禾黍宛如中土，土人機巧好歌舞，俗尚浮屠，僧尼左多。

溜山

一名牒幹小國也，洪武初，國王遣人朝貢，地無城郭。

倚山聚居風俗淳美尚佛業漁其西有天生石門如城闕然中有八溜各有所主廣三十里所謂弱水三千是也

南巫里

小國也洪武初遣使貢真香等物其地自蘇門答刺西風一日夜可至其國民千餘家皆回回人

乞力麻兒

永樂中遣使十二人朝貢其國山卑水淺西南傍海民不事耕稼喜射獵

蘇文達那

洪武十四年國王殊旦麻勒兀達盼遣使來貢或云
卽蘇門答剌非也

婆羅門

卽古師子國在西海中延袤二千餘里天竺屬國也
晉義熙初貢玉佛宋元嘉梁大通唐總章天寶間朝
貢不絕我朝永樂中遣使貢方物其地貢山面海
念佛素食

西域圖



三十三

沙洲



古西域考畧

樓蘭

卽鄯善

在婼羌西北漢時通焉去陽關千六百里西北至車師千九百里漢武列亭障至玉門

車師前後王

卽高昌

前王國一曰前部治交河去燉煌十三日行其地東西三百里南北五百里後王治務塗谷北與匈奴接郁立斯東與車師後城接

龜茲

都白山之南二百里南與精絕東南與且末西南與

杆彌北與烏孫西與姑墨接漢由輪臺及渠犂池皆
相連

于闐

都忽嶺之北二百餘里南與姑羌接北與姑墨接國
有阿耨達山據漢書河源出焉

莎車

西至踈勒五百六十里西南至蒲犁七百四十里漢
馬奉世擊斬莎車王威振西域無雷南至蒲犁五
百四十里 依耐東北至莎車五百餘里
屬賓西北與大月氏西與烏弋山離接

吐呼羅 拔豆 謝颶 識匿 烏弋山離 條支
乘水西行百餘日近日所入云 安息西與條支接
烏那遏卽安息之地

天竺

卽漢時身毒國都臨恒河有靈鷲山佛出其國五印
度各居其地 摩揭它本中天竺屬國

大食

大食其國波斯之西在泉州西北其國雄壯其地廣
袤據諸蕃衝要

拂菻國東南至滅力沙北至海背四十程西至海二

十程 邈黎宋時與于闐國同入貢 石國去瓜州
六千里奄在去陽關八千餘里

按西域近有龍堆遠則葱嶺身熱頭痛懸度之阨淮南杜欽楊雄之論皆以爲此天地所以限列區域絕內外也自漢武帝圖制匈奴患其兼從西國結黨南羌乃表河西列四郡開玉門通西域以斷匈奴右臂隔絕南羌自是中國帝王當全盛時往往遣使遠通西域在漢則爲大宛烏孫于闐龜茲月氏諸國在唐則爲高昌焉耆龜茲于闐天竺諸國在宋則爲天竺高昌大食于闐龜茲諸國入 本朝則 哈密火州

亦力把力撒馬兒罕哈烈于闐諸處其名隨世更改而于闐乃其舊稱也今所謂哈密赤斤蒙古罕東安阿端曲先者皆中國前代之邊境卽所謂燉煌酒泉伊吾故地也洪武永樂因其土酋內附立以爲衛其地處吾近邊薄于北虜不可槩以外虜視之使爲虜用是亦漢人斷匈奴右臂不使得以通羗之一策也今以羗人分西番與西域爲二其寔均之爲西夷而在海島中者列之爲海夷則可矣

八編類纂